

**Յիսուսի նայինք, մեր հաւատքի առաջնորդին ու կատարողին (Եբր.12.2)**

Պօղոս Առաքեալ Եբրայեցիներուն ուղղուած նամակին մէջ կը շեշտէ նայիլ Տէր Յիսուս Քրիստոսի, որպէս հաւատքի առաջնորդ ու կատարող:

Տէր Յիսուսի նայելու համար, մարդ արարածը կարիքը ունի անդրադառնալու եւ գիտակցելու, թէ ո՞վ է Յիսուս իրեն համար եւ կամ ի՞նչ արժէք կը ներկայացնէ:

Այսինքն, մարդ արարածը կանչուած է պատասխանելու Տէր Յիսուսի հարցումին, որ ուղղուած էր աշակերտներուն... «Ինձի համար, ո՞վ կ'ըսէք թէ եմ» (Մարկ. 8.29ա):

Շատ դիւրին պիտի ըլլայ պատասխանել վերոյիշեալ հարցումին, թէ ուրիշը ինչ կ'ըսէ Յիսուսի մասին: Միւս կողմէ, ապահով պիտի ըլլայ հետեւիլ մեծամասնութեան կարծիքին: Սակայն էականն է ունենալ անձնական, հաստատ, վստահ եւ դրական պատասխան:

Շատեր պիտի չուզեն խանգարուիլ Տէր Յիսուսի ուսուցմունքներով եւ արժէքներով ու հետեւաբար կը ջանան հեռու պահել զինք իրենց կեանքէն եւ ապրելակերպէն:

Պետրոսի պատասխանը յստակ էր. «Դուն ես Քրիստոսը» (Մարկ. 8.29բ):

Ո՞վ է Տէր Յիսուս քեզի համար: Կրնա՞ս հաստատ հաւատով եւ քաջաբար յայտարարել. «Իմ Տէրս եւ իմ Աստուածս» (Յովհ. 20.28):

Թող Տէր Յիսուս ըլլայ մեր հաւատքին Առաջնորդն ու Կատարողը: Ամէն:

**ՅԱՅՏԱՐԱՐՈՒԹԻՒՆ**

**ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ**

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

**ՀԱՍՅԷ.**

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ՔՈՒ ԽՕՍՔԻ ԽՄ ՈՅՔԵՐՈՒՄ ԶՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ

ԿԻՐԱԿԻ, 14 ՅՈՒՆԻՍ 2019

ԹԻԻ 28

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՅՈՒՄՆԵՐ  
Ես. 2.5-11: Հն. 9.30-10.4:  
ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԸ ԸՍՏ ՄԱՏԹԷՈՍԻ 13.24-30

**ՏՕՆ ՍՐԲՈՒՀԻՈՅ ԱՍՏՈՒԾԱԾԻՆԻ ՏՓՈՅ ԳՏԱՍՆ**

Յիսուս ուրիշ առակ մըն ալ խօսեցաւ անոնց եւ ըսաւ. «Մարդ մը լաւ սերմեր ցանեց իր արտին մէջ: Գիշեր մը, երբ ամէն մարդ քնացած էր, անոր թշնամին եկաւ որոն ցանեց ցորենին մէջ եւ զնաց: Երբ սերմերը աճեցան եւ սկսան հասկ կազմել, այն ատեն որոնն ալ երեւցաւ:

Տանտիրոջ ծառաները եկան եւ ըսին անոր. «Տէ՛ր, դուն միայն լաւ սերմեր չցանեցի՞ր արտիդ մէջ. ուրկէ՞ հապա որոնը»:

Ան պատասխանեց. «Ասիկա թշնամիի գործ է»:

Ծառաները ըսին. «Կ'ուզե՞ս, որ երթանք եւ որոնը քաղենք»:

«Ո՛չ» - պատասխանեց տէրը - «որովհետեւ որոնը քաղած ատեն կրնայ ըլլալ որ երկուքն ալ միասին արմատախիլ ընէք: Չզեցէք, որ երկուքն ալ միասին աճին մինչեւ հունձքի ժամանակ: Ես հնձուորներուն կ'ըսեմ, որ նախ որոնը քաղեն, խորձեր կազմեն այրելու համար, եւ ապա քաղեն ցորենը եւ ամբարեն չտննարաններուս մէջ»: Ահաւասիկ ճիշդ ասոր կը նմանի երկինքի արքայութիւնը:

**ՕԳՏԱԳՈՐԾԷ ՍԻՐՏԴ**

Եթէ «Աստուծոյ խօսքը կենդանի է» (Եբր. 4.12) հապա ինչո՞ւ չի կրնար կենդանացնել իրենց հաւատքին մէջ մեռած մարդիկը: Եթէ Աստուծոյ խօսքը կրնայ մեր հոգիները փրկել (Յկ. 1.21) հապա ինչո՞ւ կորսուած մարդիկ չեն փրկուիր, երբ կը լսեն զայն: Չշարունակենք «եթէ»-ներու շարքը: Կանգ առնենք եւ մտածենք պատասխանին մասին: Աստուծոյ խօսքը լսողներուն մէջ ոմանք կ'օգտագործեն իրենց ականջները եւ ոմանք ալ իրենց սիրտերը: Սիրելի ընթերցող, ի՞նչ կ'օգտագործես երբ Աստուծոյ խօսքը կը քարոզուի. աչք ու ականջ, թէ՛ սիրտ ու հոգի: Եթէ Աստուծոյ խօսքը հասնի ականջիդ, դուն չես փոխուիր, իսկ եթէ հասնի սիրտիդ՝ կը փոխուիս:

**ՍԱՐԳԱՐԵԱԿԱՆ ԳԻՐՔԵՐ  
ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԵՍԱՅԻ ՍԱՐԳԱՐԵԻ ԳԻՐՔԸՆ  
2.5-11**

*Եւ արդ, ո՛վ տունն Յակոբի, եկէ՛ք Տիրոջ լոյսովը քայլենք: Որովհետեւ ահա Տէրը լքեց իր ժողովուրդը, Յակոբի տունը, քանի որ անոնք փղշտացիներուն պէս իրենց երկիրը կախարհներով լեցուցին առաջուան նման, եւ օտար ամուսնութիւններով խառնածին գաւակներ ծնան:*

*Իրենց երկիրը ոսկիով ու արծաթով լեցուեցաւ, թիւ չունին իրենց գանձերը: Իրենց երկիրը ձիերով լեցուեցաւ, հաշիւ չունին իրենց ռազմականքերը:*

*Երկիրը ձեռագործ գարշելի չասուածներով լեցուեցաւ: Կ'երկրպագեն առարկաներու գորս իրենց մատներով շինեցին: Նուաստացաւ մարդ արարածը, ո՛րքան ստորնացաւ մարդը: Մի՛ ներեր անոնց, Տէ՛ր:*

*Արդ, գացէ՛ք ժայռերու տակ ծածկընցէ՛ք կամ ապաստանները մտէ՛ք, Տիրոջ ահարկու ներկայութենէն եւ անոր փառաւոր զօրութենէն փախչելու համար, երբ որ անիկա գայ երկիրը հարուածելու:*

*Որովհետեւ հիմա Տէրը իր բարձունքէն կը նայի մարդոց խեղճութեան վրայ, բայց այն օրը մարդոց ամբարտաւանութիւնը պիտի խոնարհի եւ միայն Տէրը ի՛նք պիտի բարձրանայ:*

**Շարունակել Աստուածաշունչէն**

**ՊՕՂՈՍ ԱՌԱՔԵԱԼԻ ՆԱՄԱԿԸ  
ՀՈՈՍԱՅԵՏԻՆԵՐՈՒՆ**

**9.30- -10.4**

Հեթանոսները, որոնք Աստուծոյ արդարութեան չէին հետեւիր՝ արդարացան, որովհետեւ Քրիստոսի հաւատացին: Մինչդեռ Իսրայէլի ժողովուրդը չարդարացաւ Մովսէսի Օրէնքին միջոցաւ, որ տրուած էր մարդիկը արդարացնելու համար: Ինչո՞ւ: Որովհետեւ չհաւատաց Քրիստոսի եւ կը կարծէր թէ Օրէնքին գործադրութեամբը պիտի արդարանայ: Ատիկա իսկ պատճառ եղաւ, որ գլորին «գայթակղութեան առիթ հանդիսացող քար»-ին վրայ, այսինքն՝ Քրիստոսի, որուն համար մարգարէութեան մէջ գրուած է. «Ահա եւ Սիոնի մէջ կը դնեմ քար մը՝ որ գլորումի առիթ պիտի ըլլայ, ժայռ մը՝ որ գայթակղութեան առիթ պիտի հանդիսանայ: Բայց անոր հաւատացողը յուսախար պիտի չըլլայ»:

Եղբայրներ, սրտանց կը մաղթեմ եւ կ'աղօթեմ, որ Աստուած փրկէ իսրայէլացիները, որովհետեւ կրնամ իրենց մասին վկայել, թէ Աստուծոյ հանդէպ նախանձախնդիր են. միայն թէ այդ նախանձախնդրութիւնը հիմնուած չէ՛ Աստուծոյ նշմարիտ ծանօթութեան վրայ: Անոնք չհասկցան, թէ Աստուած ի՞նչ ձեռով կ'ուզէր արդարացնել մարդիկը: Իրենց հասկցած ձեւին կառչեցան եւ ուստի չընդունեցին Աստուծոյ արդարութեան ուղին: Մինչդեռ Քրիստոսով Օրէնքը իր աւարտին հասած է եւ միայն Քրիստոսի հաւատացողը կ'արդարանայ:

**ՍՈՒՐԲԵՐ ԵՒ ՏՕՆԵՐ**

**ԳԻՏ ՏՓՈՅ  
Ս.ԱՍՏՈՒԾԱԾՆԻ**

Ս. Աստուածածինին նուիրուած տօներու շարքին, յետագային աւելցան նաեւ իր գործածած իրերու նուիրուած տօներ, որոնցմէ մէկն է Ս. Աստուածածնի Տուփի գիւտի տօնը:

Ս. Աստուածածնի Տուփի գիւտը տեղի ունեցած է հետեւեալ ձևով: Երկու իշխաններ ուխտի կը գտնուին Երուսաղեմ: Երբ անոնք կը հասնին Գալիլիա, այնտեղ կը տեսնեն հրեայ կնոջ մը տան առջեւ հաւաքուած բազմութիւն մը՝ բաղկացած ամէն տեսակի հիւանդներէ: Հետաքրքրուելով ներս կը մտնեն եւ կը տեսնեն տուփ մը: Հրեայ կնոջմէ կ'իմանան, որ տուփը ժամանակին կը պատկանէր Ս. Կոյսին: Իշխանները կ'երթան Երուսաղեմ, շինել կու տան նոյն տուփէն օրինակ մը եւ վերադառնալով կնոջ քով, իրենց տուփը կը փոխանցեն անոր եւ Ս. Կոյսին իսկական տուփը կը տանին Պոլիս եւ Պատրիարքին կը պատմեն պատահածը: Պատրիարքը մեծ հանդիսութեամբ տուփը կը գետեղէ եկեղեցւոյ մէջ եւ յատուկ օր կը նշանակէ տօնելու համար Գիւտ Տփոյ Ս. Աստուածածնի տօնը:

Այս տօնը մեր եկեղեցւոյ տօնացոյցին մէջ անցուցած է Սիմէոն կաթողիկոս 1774-ին իր հրատարակած տօնացոյցին մէջ եւ կը տօնակատարուի Յունիս, Յուլիս ամիսներու միջեւ:

**ՀԱՐՑՈՒՄ ԴԱՏԱՄԻՄԱ ՔԱԺՆԱ**

**Ինչո՞ւ Աստուծոյ  
ողորմութիւնն ու գթութիւնը  
խնդրելու համար  
հաւատացեալներուն  
կը թելադրուի  
ծումապահութեամբ աղօթել:**

Որովհետեւ ծումապահութիւնը խնարհութեան, հեզութեան, անձնուիրութեան եւ եսի ունայնացման արարք մըն է, գոր ենթական պէտք է գործով ցոյց տայ իր Արարիչին, հրաժարելով աշխարհի բոլոր ցանկութիւններէն եւ անոնց առթած հաճոյքներէն ու վայելքներէն՝ արժանանալու համար Աստուծոյ սիրոյն: Ծում պահողը իր սիրտին ամբողջական սէրը արտայայտած կ'ըլլայ Աստուծոյ հանդէպ՝ հրաժարելով իր մարմնոյն կենսական եղող հացէն ու ջուրէն: Ան իր հաւատքն ու համոզումը յայտնած կ'ըլլայ Աստուծոյ խօսքին, թէ «Ոչ միայն հացով կ'ապրի մարդ, հապայն ամէն խօսքով, որ Աստուծոյ բերնէն կ'ելլէ»:

Ծումապահութեան կամ պահքի հետ համընթաց կատարուելու են աղօթք եւ ողորմութիւն: Յոյժ թելադրելու է, որ հաւատացեալներ ծումապահութեան կամ պահքին պատճառով ծախսերէն կրնատուած գումարները յատկացնեն աղքատներու կամ բարի նպատակներու: